

Ku nga ri namuntlha, Sekhametsi!

Mutsari i Mabel Mnensa

Mukombisi i Chantelle na Burgen Thorne

Sekhametsi a swi twa leswaku namuntlha ku tava siku ro hlawuleka.

U le ku laveni ka mateki na masokisi ya yena ehansi ka mubedo wa yena. U le ku laveni ka bemuda ya yena endzhaku ka rivanti. “Ku ya valanga ehenhla ka lwangu ra fulete ya hina swi ya va kahle. Kumbexana ndzi nga kuma rifuwo.”

“E-e. Ku nga ri namuntlha, Sekhametsi,” ku vula Manana. “A wu fanelanga u thyaka. Famba u ya hlamba,” ku vula Tatana.

Sekhametsi a hlundzuka. “Loko Hahani Sindi a ri kona a ta khandziya na mina kutani a ya ndzi komba rifuwo na nsuku.”





Endzhaku ka ku fihlula, Sekhametsi u vonile vanghana va yena va ri karhi va tlanga ehansi. Kumbexana ri nga va siku ro hlawuleka hambiswiritano.

A languta Tatana na Manana kutani a n'wayitela. "I siku ra kahle ro tlanga *milenze*. Xana ndzi nga ya tlanga.

Manana a dzungudza nhloko. "E-e. Ku nga ri namuntlha, Sekhametsi. A wu fanelanga ku thyaka. Tshama ekusuhi na mina."

Sekhametsi a hlundzuka. "Loko Hahani Sindi a ri kona a ta ndzi pfumelela ndzi ya tlanga na vanghana va mina. A ndzi anakanya leswaku namuntlha i siku ro hlawuleka."

Risema ra swakudya swo nandziha ri rhuma Sekhametsi ku ya ekhixini. Ku na ndyelo ya magwinya layo hisa eka khawutara. Tikherotsi, lethasi na matamatisi swa tsemeleriwa ku endla saladi. Xana i khekhe leri nga ndzeni ka ovhene? Kumbexana namuntlha i siku ro hlawuleka hambiswiritano! A nyandlamela a nghena a ringeta ku ringa gwinya rin'we.

Manana a bakanya vona ra yena, "E-e. Ku nga ri namuntlha, Sekhametsi. Ndzi swi vekela nkarhi lowutaka." Sekhametsi a khondla mavoko. "Loko Hahani Sindi a ri kona a ta ndzi pfumelela ndzi ringa hinkwaswo, hambi ku ri mbila."

Sekhametsi u le mikumbeni, u hlundzukile. "Namuntlha a hi siku ro hlawuleka hambiswiritano. Ri na xivundza."

Tatana a n'wi finunguta nkumba enhlokweni. "E-e. Ku nga ri namuntlha, Sekhametsi. Tana, ndzi lava u famba na hina exitichini."

Sekhametsi a sungula ku hlundzuka. Loko Hahani Sindi a ri kona a ta ndzi pfumelela ndzi tshama emubedweni a ndzi tsheketela ntsheketo, kumbe mimbirhi."



Manana, Tatana na Sekhametsi va famba va ya ePark Station. Sekhametsi u hlundzukile hikwalaho a nga wu voni kwangulatilo empfhukeni kumbe ku twa ntlawa lowu yimbelelaka risimu leri a ri rhandzaka ekhonweni ya yena. A swi antswa a va ekaya, elwangwini kumbe na vanghana va yena.

“Leri i siku ra mina ro biha kutlula hinkwawo,” a vula.

“E-e. Ku nga ri namuntlha, Sekhametsi. Languta!”

Manana na Tatana havumbumbirhi va ku. “Xihlamariso!”

Sekhametsi a languta ehenhla ku vona munhu wo hlawukela loyi a va kongomile.

“Hahani Sindi!” a huwelela, a ri karhi a tsutsumela etlhelweni ra hahani wa yena loyi a n’wi rhandza swinene.

Hahani Sindi a vukarha Sekhametsi emavokweni ya yena. “Onge hi nga ya khandziya ehenhla ka lwangu swin’we ku ya famba hi kwangulatilo. Kumbe ku ya tlanga wulu. Kumbe hi ta dya magwinya na ku tsheketa mitsheketo?”

“Ina! Siku ra kahle ra ku velekiwa, Hahani Sindi! A ndzi swi tiva leswaku namuntlha i siku ro hlawuleka.”

“E-e. Ku nga ri namuntlha, Sekhametsi.”

Sekhametsi a khondla mavoko a khwanyanisela vatswari va yena mombo.

“Namuntlha i siku ro hlawuleka swinene ngopfu!”
Manana na Tatana va hleka.



Ku nga ri namuntlha, Sekhametsi!

Mutsari i Mabel Mnensa • Mukombisi i Chantelle na Burgen Thorne

Mianakanyo yo bula hayona

Xana i yini xi nga endlaka "siku ro hlawuleka swinene ngopfu" eka wena?
I mikarhi yihi yo nyanyula kumbe migingiriko yintshwa leyi u veke na yona swa sweswi. I yini swi endleke mikarhi yeleyo yi hlawuleka?



Xifaniso

Dirowa xifaniso xa wena na "munhu wo hlawukela loyi" evuton'wini bya wena.



Ku Hlaya

Vana fokisi ra marito! Langutisa swinene eka ntsheketo. Xana u nga kuma:

- ★ nkombo wa swilo u nga swi dyaka
- ★ xin'wana lexi u nga xi vonaka hi siku
- ★ swilo swinharhu u nga swi ambalaka
- leri ku naka mpfula
- ★ vito ra ntlangu




Ku Tsala

Tsala hungu ra munhu wo hlawuleka swinene evuton'wini bya wena u va byela hilaha va hlawulekeke ha kona eka wena.



Ntirho wa vutshila

Endla fureme ya xifaniso lexi u xi diroweke. Namarheta xifaniso xa wena eka phepha ra khadibodo lerikulu ku hundza xifaniso. Dirowa layini emakumu ka xifaniso xa wena. Khavisa fureme.



Encenyeta

Tlanga swilo hinkwaswo leswi Sekhamesti a ehleketeka a swi endla na hahani wa yena loko wena kumbe un'wana a hlaya swiphemu sweswo swa ntsheketo swi twala.

